

25 октября 1941 аре

№ 84 (524)

Дуныз 5 коп.

ГОРД ЗНАМЯ

ВКП(б)-лэн Пудемской райкомезлэн но Райсоветлэн органы

Военной дыре борд газет'ёслэн задачаоссы

Асьмелэн доблестной красной воин'ёсмы съось тушмонлы пумит жугисько туж бадзым мужествоен но героизмен. Соос родной муз'еммылэсь коть куд вамышсэ возымало. Самой кужмоосыз ик фашистской дивизиос быдэсак пазыгемын ни. Гитлеровец'ёс туж кышкытэсь ыштон'ёс нуо. Нош урмем тушмон жугиськонэ ялан виль кужым'ёссэ ыстэ. Великой о естественной войнае жуткем советской калык быдтоз урмем фашистской пунюсты, вормон луоз асьме палан!

Аслаз исторической речаз Сталин эш радио пыр вераз, что асьмелы чик жегатскытэк вань ужмес перестроить кароно военной ладэ, ваньзэ подчинить кароно фронтлэн интересэны но тушмонэз пазыгон организовать карон ужлы.

Вождылэн кыл'ёсыз Советской калыкен воспринять каремын боевой приказэз сямен. Котькудиз трудяшой аслэстыз ужэз быдэс'я честно, самоотверженно, кызыбы подабать каре советской гражданинлы.

Борд газет'ёслы озыи к вань ужзэс перестроить карыны кулэ военной ладэ, вань задачаез подчинить кароно тушмонэз вормонлы. Борд газет'ёс нуналысь нуналэ повышать кароно луо рабочийёслэсь, колхозник'ёслэсь, служащейёслэсь, революционной бдигельностиэс, организовывать кароно беспощадной нюр'яськон фронтлэн мышказ кылем дезорганизатор'ёсын, дезертир'ёсын, паникер'ёсын но юрттоно шараяллыны шпион'ёсты но диверсант'ёсты.

Борд газет'ёслы дугдылытэк

гож'яны кулэ рабочийёслэн колхозник'ёслэн самротверженной ужзы сярысь, соин чош ик өтёно соосты азылане ужлэс, производительностьсэ жутонэ колхозной но социалистической имуществоез возыманэ Асьме районысь тросэ борд газет'ёс асьсэлэсь ужзэс военной ладэ перестроить карыны ни. Нош куд-огаз колхоз'ёсын бордгазет'ёсгы потылэмысь ик дугдызы, уло на мирной настроенииен. Чабыровской сельсоветысь „Новый труд“ колхозын, кылсярысь, (редакторез Поздеев Прокопий) куинь толэзь куспын одйг номер но газебз поттэ. Костромской сельсоветысь, „Костромка“ колхозын отечественной война куткем бере борд газет поттыны бз ик малпаське на.

Тырмыт уг кивалто асьсэлэн борд газет'ёсынызы первичной партийной организациослэн секретар'ёссы но. Соин сяна номырин но валэктны улуы ужлэсь ялб мынэмзэ.

Котькуд борд газетлэн ужез бр'ямын мед луоз калык'ёсты асьме большевистской партимы котыре сплотить карэнэ но одйг мылкыдын ужанэ. Озыи ик борд газет луыны кулэ активной организаторен оборонной ужез организовать каронын. Борд газет'ёслэн редактор'ёссы нимысьтыз саклык вис'яса асьсэлэн газет'ёсазы возымаг'яно луо всевобучлэсь мынэмзэ. Всевобучын дышеткись котькуд военнообязанной мед луоз борд газетэ гож'ясь. Соны понна колхоз'ёсысь борд газет'ёслэн редколлегиоссы асьсэлэсь валэктон ужзэс паськыт вёлмытоно луо.

Красной Армиесь гожтэт.

Тушмон луоз пазыгемын

Кемалась ик бвёл „Горд знамя“ газетлэн редакциез 1-ской частьюсь боецлэсь Плетенев Архип Кузьмичлэсь гожтэтсэ басытыз. Плетенев ш Красной Армии мынэмзэсь азывыл Горбашевской ельсоветын почтовой агент луыса ужаз. Со редакцилэн адресаз келям гожтэгаз гожтэ:

—Дуно эш'ёс, колхозиик'ёс, рабочийёс но служащийёс! Асьмелэн героической Красной Армии дугдылытэк кужмо пезьдэт сётэ визьзэ ыштэм гушмонлы. Фронтын туж трос ыштон'ёсыныз лыд'яськытэч, урмем Гитлер берлум резерв'ёссэ ыстэ, чтобы огдырлы кыче ке но азинскон'ёс басытыны. Гитлеровской громилоослэн виресь киоссы кыстйсько странамылэн сюлмаз—Москва доры.

Странамылы кышкыт нунал'ёс вуизы. Таке дыр'я тйледлы колхозник'ёс, рабочийёс но служащийёс, ужаны кулэ вань кужыменыды, чтобы фронтлэн мышказ кужмо ужаса эшшо но трослы юнматыны Красной Армиелэсь кужымзэ.

Эш'ёс, колхозник'ёс, мон тйледлы нимысьтыз возыськисько. Тй та дыр'я асьтэлэсь вань ужзэс пуктоно луйськоды военной ладэ. Али октонкалтон уж'ёс быдэстэмын ни. Одйг нунал но жегатскытэк государство азын обязательствоостэс быдэстоно луйськоды. Тй колхозник'ёс фронтлэн мышказ, нош ми красноармеец'ёс—фронтын. Асьмелэсь вань кужыммес огазеяса, кужмо пезьдэт сётомы фашистской изверг'ёслы. Урмем пунюослэн йырзы—Гитлер тодыса мед улоз, что солэн пунюосыз пырак азе шедьтозы асьсэлы шайгу Советской Союзлэн муз'ем'ёс вылаз.

Красноармеец А. ПЛЕТЕНЕВ.

Действующей Армии



Т. Ярмошко ефрейторлэн отделениез вуыгы по э.

ИВОРТОН

27 октября „Горд Знамя“ газетлэн редакциез колхоз'ёсысь но предприятияосысь борд газет'ёслэсь редактор'ёссыс совещание люка. Совещание кутскоз 10 часэ чукна ВКП(б)-райкомлэн парткабинетаз.

Вань борд газет'ёслэн редактор'ёссылы совещание возыматэм дыре одно ик лыктыны тыршоно.

Редакция.

Дугдылытэк вюр'яськоно шептув'ёсын но павикер'ёсын *)

Гитлеровской армиялан вооруженияз вань не только самолет'ёс но танк'ёс, но и сыче кышкыт оружие, кычeen луз шпионаж но провокация, куд'ёсыз противниклэн рад'ёс-саз но тылаз ложной панической слух'ёсты вёлмыто. Германиысь пропагандалэн министерствоз, кудйз быдэс дунне вылын тодмо ни аслаз пöялляськонэныз, вань даже пöялляськон'ёсты вёлдыны нимысьтыз отдел. Та сьод уж лушкаськись фашистской кылын нимаське „Пропанганда шопотом“ шуыса.

Одйг та ниманын гинэ фашистской пöялляськон механикаын ваньмыз шараяське. Фашистской провөкатор, пöялляськыса вераськонэз вёлдйсь, лушкем действовзть каре: татын шепнуть кароз, отын шепнуть кароз, и солэн бервылыз кыномоз. Нош пöялляськем, панической вераськон, кудйз лэземын гнусной шептунэн, кыстаське одйг интыысен мукет интые, одйг ульчаысен мукет ульчае,—кытын вань трос болтун'ёс, куд'ёсыз ярато кылскыны сое.

Котькудйзлы сознательной адямины валамон, марлы гитлеровской негодяйёс пользоваться карисько провокациен, ложной слух'ёсын. Со кырсь но подлой амалэн соос тыршо калык'ёслэсь сознанизэс отравить карыны, лябомытыны соослэсь эриксэс, вызвать карыны беспокойствоз но осконтэмез.

Фашист'ёс номырин но брезговать уг каро. Соос самолет'ёсысен куало пöялляськись лисговкаос, вёлмыто пöялляськыса вераськон'ёс шпион'ёс, парашютист'ёс но мукет лазутчик'ёс пыртй, куд'ёсыз ыстэмын асьмелэн тыламы, провөкаторской уже кыско кулак'ёс, помещик'ёс, белогвардеец'ёс, уголовник'ёс пöлысь пöртэмез гыжквал'ёсты.

Кемалась ик öвөл Москваысь одйг заводын шараязы кыче ке но Семькинэз. Ас дыраз со советской судэн судить каремын вал уголовной преступлениез понна. Война застать кариз типез Смоленской области. Уголовникез дан'я вал фашистской власть—со ведь бандит'ёслэн властиысь. Семькин ог вадеслы кылиз вал со районэ, кудйз ог вадеслы басьтэмын тушмон'ёсын, жоген тодматскиз гитлеровской мерзавец'ёсын но сососын ас палазы каремын вал. Фашист'ёс косьзы подкупить карем негодяйлы пырыны советской тылэ, вредить карыны понна пырыны военной заводэ, нош свободной дыр'ёсы ветлыны базарытй но колхозник'ёс пöлын антисоветской кыл вёлдыны, вералляны соослы, как будто немец'ёс

советской крестьян'ёсты „угисало“, нош виыло „коммунист'ёсты но еврейёсты гинэ“. Выродок Семькин согласиться кариз калыкез пöяллыны, хотя ачиз аслаз син'ёсыныз адзиз, кызы гитлеровец'ёс курадзйтылйзы, насиловать карылйзы но сьось сямен вылйзы не только мирной, беззащитной еврейёсты гинэ, но озы ик русскойёсты, не только коммунист'ёсты гинэ, но озы ик беспартийнойёсты но Ленинградской областын колхозник'ёс кутйзы но ваизы военной властиёс ки улэ фашистской наймиткаез, учкыса—огшоры, гуртысь нылкышномуртэз, кудйз лушкемен вёлдылйз немецко-фашистской варвар'ёслэн „добротазы“ сяр ы с ь пöялляськон'ёсты. Шараямын вал, что азыло дыр'я та кышномурт кулачка вылэм, дас ар талэсь азывыл граница сьöры пегзылэм. Ужаны яратйсь колхозной калыкез адзонтэм карыса, со луэм немецкой шпионкаен. Война дыр'я фашист'ёс сое лэизы фронт пыртй но панической слух'ёсты вёлмытыны задание сётйзы.

Бакуын провөкатор кутэмын вал, кудйз кышкытэсь пöялляськон кыл вёлдыса ветлылйз. Прокуратураысен шараяськиз, что со—бывшой белогвардейской офицер.

Котькуд честной адямилэн задачаез—сплетник'ёслы педэт сётылон, шараяллыно провөкатор'ёсты но шептун'ёсты, кутылоно со ядовитой гыжквал'ёсты но сётйлоно властиёс ки улэ. Н. Башилов.

(*)Вакциятэмын ТАСС-лэн бюллетеньысьтыз.



Дун'яны быгатонтэм трос услугаос возматйз Н-ской частылы медсестра Е. П. Ершова. Со смело мынылйз тушмонлэн самой логовояз но тодылйз ваньзэ, мар кулэ. Сарофан дйсьса, Ершова тушмонэн басьтэм гуртэ пыриз, пыралляз коркаосы, басьтылйз важной сведениос немецкой войскаослэн составзы но кужымзы сярись.

Храброй разведчица Красной Знамя ордэнэн наградить каремын.

Ужез выльдыны кулэ

Зырдыт нунал'ёсты переживать каре асьмелэн великой Родинамы. Адями сиысь фашист'ёс берпум кужымзэс понныны туртско, чтобы тол кезыт луытозь, кöня ке но азинскон'ёс басьтыны. Но та пуныослэн туртскемзы нуналмысь пазыгиське, героической Красной Армия соослы кужмо пезьдэт сётэ.

Родина азын таце секыт нунал'ёсы фронтлэн мышказ вань ответственостен ужано луиськом асьмеос, чтобы юнматыны фронтлэсь мышсэ, обеспечить карыны Красной Армиез ваньмыныз, мар гинэ кулэ луэ солы сьось фашист'ёсты пазыгыны.

Костромской сельсоветысь „Азылань“, Горькийлэн нимыныз нимам, Бозинской сельсоветысь Буденныйлэн нимыныз нимам колхоз'ёс государстволы етйн сётон планзэс, нош Пудемской сельсоветысь колхоз'ёс нянь сётон планзэс азинлыкы быдэсьяло.

Но таазьмынйсь колхоз'ёслэн но сельсовет'ёслэн ужан амалзы паськыт вёлмытыгэ на. Тырмытэсь луолык'ёс вань дыр'я „Лековой“, „Динамо“, „Серп и молот“, „Совет“ колхоз'ёс одйг килограмм но етйн государстволы öз сётэ на.

Колхоз'ёс картовка копанзэс кемалась быдэсьйзы ни, носое государстволы сётонэ районмы бере кыле. Горбашевской сельисполкомлэн председателез Наймушина эшта ужез вунэтйз. Соин ик татысь колхоз'ёс уг дырто. Ляб мынэ татын государстволы нянь, етйн сётонэн но. Кировлэн нимыныз нимам колхоз, кылсярысь, нянь сётон планзэ копак 18 процентлы гинэ быдэстйз ни. Чидантэм ляб ужало государство азын обязательствоосты быдэстон'я Люмской но Бозинской сельсовет'ёсысь колхоз'ёс но. Нош сельисполком'ёслэн председателёссы тырмыт уг кивалто, соос успокужйсь каризы октон-калтон уж'ёсты быдэсьян дыр'я куд-ог басьтэм азинскон'ёсын.

Нуналлы быдэ колхоз'ёсты ветло уполнаркомзаглэн агент'ёсыз но. Но соос конкретной ужен кивалтон интые, сведениос люкаса но факт'ёсгы гож'яса гинэ ветло.

Героической Красной Армиялэн боец'ёсыз зор-кезыт куазьёсын үй но нунал жугисько фашистской варвар'ёсын, нош нимаз нимаз колхоз'ёслэн но сельисполком'ёслэн кивалтысьёссы тае лыдэ öз басьтэ, ужез конкретно уг кивалто, асьсэлэсь ужзэс военной ладэ перестроить öз каре на.

БЖЕНОВ.

Редактор П. Р. ЛУБНИНА.